



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU NAPREDNE DEMOKRATSKE STRANKE BIH

Broj: 03-07-6-752/20
Sarajevo, 24.08.2021. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Napredne demokratske stranke BiH za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Napredna demokratska stranka BiH prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Napredne demokratske stranke BiH za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Napredna demokratska stranka BiH nije ostvarila prihode, kako je navedeno u sljedećoj tabeli:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke je Napredna demokratska stranka BiH. Skraćeni naziv je NDS BiH.

Politička stranka je upisana u registar kod Općinskog suda u Sarajevu, Rješenjem broj: 065-0-F1-12-000004 od 08.03.2012. godine, pod nazivom Napredna demokratska stranka. Rješenjem Općinskog suda u Sarajevu broj: 065-0-F1-15-000009 od 01.06.2015. godine, izvršena je promjena naziva stranke, sjedišta i lica ovlaštenog za zastupanje stranke. Stranka je upisana pod nazivom Napredna demokratska stranka BiH, te skraćenim nazivom NDS BiH.

Sjedište političke stranke je na Ilidži, Mala aleja 40.

Lice ovlašteno za zastupanje stranke je Jasmina Viteškić, vršilac dužnosti predsjednika.

Lice ovlašteno za finansijske izvještaje za 2019. godinu je Jasmina Viteškić.

Prema podacima iz godišnjeg finansijskog izvještaja za 2019. godinu, Napredna demokratska stranka BiH ima sljedeću organizacionu strukturu:

- OO NDS Ilidža.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Napredne demokratske stranke BiH za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Napredne demokratske stranke BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju obavila je reviziju i pregled finansijskih izvještaja Napredne demokratske stranke BiH u periodu od 2012. do 2018. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršene revizije godišnjeg finansijskog izvještaja za 2018. godinu, Služba za reviziju je izdala Izvještaj o pregledu sa mišljenjem revizora, nalazima revizije i preporukama stranci da poslovne knjige vodi u skladu sa računovodstvenim propisima, da uspostavi blagovremene i tačne evidencije o novčanim tokovima, prihodima, rashodima i obavezama stranke, da finansijske izvještaje podnosi u zakonom propisanim rokovima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Napredna demokratska stranka BiH nije ispoštovala preporuke revizije.

5. NALAZI I PREPORUKE

5.1 NALAZI

Napredna demokratska stranka BiH je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

Pregledom godišnjeg finansijskog izvještaja Napredne demokratske stranke BiH utvrđeno je da stranka nije vodila potpune evidencije o svojim prihodima i rashodima, godišnji finansijski izvještaj nije podnijela Centralnoj izbornoj komisiji Bosne i Hercegovine u zakonom propisanom roku i nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime je prekršila računovodstvene propise i odredbe člana 11. stav (1) i člana 12. stav (1) i stav (4) Zakona o finansiranju političkih stranaka¹.

(1) Napredna demokratska stranka BiH godišnji finansijski izvještaj za 2019. godinu je podnijela nakon zakonom propisanog roka.

¹ U skladu sa odredbom člana 11. sta (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima. U skladu sa odredbom iz člana 12. stav (1) Zakona dužna je uspostaviti evidencije o svim prihodima i rashodima, dok je u skladu sa odredbom iz člana 12. stav (4) dužna podnositi finansijski izvještaj do 31.03. naredne godine u formi koju odobri Centralna izborna komisija Bosne i Hercegovine.

Napredna demokratska stranka BiH je godišnji finansijski izvještaj podnijela putem aplikacije „FI CIK BIH” dana 29.05.2020. godine, a obrasce godišnjeg finansijskog izvještaja odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavila dana 31.05.2021. godine.

U skladu sa odredbama člana 12. stav (4) Zakona o finansiranju političkih stranaka, Napredna demokratska stranka BiH je bila obavezna godišnji finansijski izvještaj za 2019. godinu podnijeti Centralnoj izbornoj komisiji Bosne i Hercegovine do 31.03.2020. godine, elektronski putem aplikacije FI CIK BIH, te i u čvrstoj kopiji.

- (2) U godišnjem finansijskom izvještaju na obrascu 2 (pregled prometa svih transakcijskih računa političke stranke) Napredna demokratska stranka BiH nije iskazala tačne podatke o prometu po transakcijskom računu, čime je prekršila odredbe člana 11. Pravilnika.

U godišnjem finansijskom izvještaju stranka nije pravilno iskazala promet ulaza i promet izlaza po transakcijskom računu broj: 1941020089606125 kod Procredit banke.

U obrascu 2 stranka je iskazala početni saldo u iznosu od 370,60 KM, ukupan promet ulaza u iznosu od 4.600,80 KM, ukupan promet izlaza u iznosu od 1.917,00 KM i saldo na dan 31.12.2019. godine u iznosu od 3.054,40 KM. Kontrolom izvoda sa transakcijskog računa stranke, utvrđeno je sljedeće: početni saldo u iznosu od 0,00 KM, ukupan promet ulaza u iznosu od 4.600,80 KM, ukupan promet izlaza u iznosu od 1.917,00 KM i saldo na dan 31.12.2019. godine u iznosu od 2.683,80 KM.

- (3) Stranka u obrascu 2.1 (pregled stanja blagajne) nije iskazala tačne podatke o stanju i prometu putem blagajne, čime je prekršila odredbe člana 12. Pravilnika.

U obrascu 2.1 (pregled stanja blagajne) stranka je iskazala početni saldo blagajne u iznosu od 370,60 KM, ukupan promet ulaza u iznosu od 4.600,80 KM, ukupan promet izlaza u iznosu od 1.917,00 KM i saldo na dan 31.12.2019. godine u iznosu od 3.054,40 KM.

Uvidom u Bruto bilans utvrđeno je da je početni saldo u blagajni iznosio 202,34 KM, odnosno saldo na dan 31.12.2019. godine u iznosu od 202,34 KM, te da stranka nije imala promet putem blagajne.

Takođe, ističemo da je stranka u godišnjem finansijskom izvještaju promet blagajne i promet transakcijskog računa prijavila u identičnim iznosima.

Pored navedenog, stranka je na dan 01.01.2019. godine na kontu 1015-Prelazni račun iskazala početno stanje u iznosu od 60,00 KM, što je suprotno računovodstvenim načelima.

- (4) U finansijskom izvještaju stranka nije prijavila prihode iz budžeta, čime je prekršila odredbe člana 13. i člana 19. Pravilnika.

Na osnovu podataka koje je dostavila Općina Ilidža utvrđeno je da je Napredna demokratska stranka BiH u 2019. godini ostvarila prihod iz budžeta Općine Ilidža u iznosu od 5.443,20 KM, od čega je 4.600,80 KM uplaćeno na transakcijski račun stranke, a 842,40 KM se odnosi na troškove zakupnine poslovne prostorije koju je stranka koristila na Ilidži.

U poslovnim knjigama politička stranka je navedeni prihod iz budžeta prijavila u iznosu od 4.600,80 KM, što je za 842,40 KM manje u odnosu na ostvareni.

- (5) Napredna demokratska stranka BiH u godišnjem finansijskom izvještaju nije iskazala rashode, čime je prekršila odredbe člana 21. i člana 22. Pravilnika.

- Stranka u poslovnim knjigama nije uspostavila evidencije o troškovima zakupnine poslovnih prostorija, niti je iste prijavila u finansijskom izvještaju.

Uvidom u Ugovor o zakupu poslovne prostorije utvrđeno je da je Napredna demokratska stranka BiH koristila poslovnu prostoriju površine 13,00 m² po cijeni od 2,00 KM po m², uvećanoj za

PDV. U skladu sa navedenom odlukom, zakupnina poslovne prostorije koju je koristila Napredna demokratska stranka BiH iznosila je 70,20 KM mjesečno, odnosno 842,40 KM.

- U godišnjem finansijskom izvještaju stranka nije iskazala rashode po sudskim sporovima u iznosu od 931,76 KM.

5.2 PREPORUKE

Preporučuje se Naprednoj demokratskoj stranci BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da uspostavi potpune evidencije o prihodima i rashodima,*
- *da finansijske izvještaje podnosi u zakonom propisanim rokovima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Napredna demokratska stranka BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

šef Odsjeka za revizijske poslove

Sanja Tošović

Pomoćnik revizora

Anela Burdžović Kapić

šef Službe za reviziju

Mr.sc Hasida Gušić